



(khas bagi Majalah Qalam - tidak dibenarkan dikutip)

### Soal zakat Fitrah

Musykil tentang jawapan Abu Mokhtar

A. Muhammad Bin Ṣalih, Jalan Sultanah Zainab Kota

Baharu, Kelantan , bertanya :

“Di dalam Qalam keluaran bulan Mei 1954 di ruangan 1001

masalah. Dalam pertanyaan yang kedua yang beranwan: “Sebabnya kanak-kanak diwajibkan zakat “pertanyaan Ali J. M Besut, Terengganu, dari jawapan tuan itu ternyata kesimpulannya bahawa kanak-kanak iu dikeluarkan zakatnya. Sayang tuan tidak huraikan dengan panjang lebar tentang pengeluaran zakat itu, siapakah pengeluarannya dan siapakah pemiliknya (pemilik benda yang dijadikan zakat itu). Dengan kerana itu jawapan yang termaklum saya fikir tidaklah tegas dan terang, melainkan masih samar-samar.

“Kerana itu bersama-sama ini saya kirimkan sebuah buku yang membicarakan soal tersebut yang bernama “Masalah Zakat Fitrah dan Fitrah Kanak-kanak yang Belum Baligh” saya telah baca kitab ini dan saya rasa keterangan pengarangnya amat tepat dan logik, cubalah tuan bandingkan dengan jawapan tuan dalam masalah tersebut yang keluar di dalam Qalam itu.

“Dan seelok-eloknya tuan dapat bahas isi kitab ini sama ada pihak tuan yang betul, atau kita itu yang betul, kemudian ketengahkan dalam Qalam mudah-mudahan umum kaum kita dapat ketengahkan dalam Qalam mudah-mudahan umum kaum kita dapat mengambil manfaat dan lepas dari salah faham dan keliru. “

Jawab: Terima kasih atas perhatian tuan, terutama atas hadiah buku itu, apakah lagi pengarang al-Adib al-Haji

Peringatan:

Pertanyaan-pertanyaan yang tidak disertakan tanda tangan dan alamatnya yang terang tidak diraikan. Juga pertanyaan-pertanyaan yang mengenai di sekeliling hal ehwal masyarakat kita itulah yang diutamakan daripada soal yang sulit-sulit dan jarang berlaku oleh kerana ruangan ini adalah berguna juga untuk panduan pembaca-pembaca.

Nik Muhammad Ṣalih Bin al-Marhum al-Haji Wan Mūsā

Kelantan ialah seorang sahabat kita yang dihormati.

Buku ini telah kita baca dan kesimpulannya ialah

seperti yang ditegaskan oleh pengarang:

“Bahawa zakat “asyir”(maksudnya zakat harta benda) dan

zakat fitrah tiada wajib diatas kana-kanak yang belum baligh”.

Keputusan ini telah diambil oleh beliau setelah memberi

keterangan sepenuh-penuhnya 40 muka setebal risalahnya itu yang dipeturunkan daripada Quran, hadith dan huraiyan Imam-imam mazhab terutama Imam Shafi‘ī di dalam “*al-Um*” Imam Nawāwī dalam “*al-Majmu‘*” dan lain-lain lagi.

Sebelum kita mengulas isi bukunya itu maka amat

adil rasanya kalau kita peturunkan disini tujuan buku

itu dikarang seperti yang diterangkan oleh pengarangnya, katanya:

1- Rencana masalah zakat fitrah dan fitrah kanak-kanak yang belum baligh ini saya tuliskan untuk ahli yang mempunyai pengetahuan dan tibhar (mendalam pengetahuan am) di dalam ilmu shar‘iyyat, supaya memimpin mereka itu kepada rahsia alam yang tinggi.

2. Rencana masalah zakat fitrah dan fitrah kanak-kanak yang belum baligh “ini saya tulias dengan bertujuan semata-mata perbaasan ilmu pengetahuan yang amat mustahak bagi tiap-tiap seorang manusia di dalam dunia ini, mengeluarkan kebebasan fikirannya atau qalamnya.

3. Rencana “masalah zakat fitrah dan fitrah kanak-kanak yang belum baligh” ini saya tulis, tak menyentuh mana-mana dasar majlis agama Islam dan istiadah

- Melayu Kelantan dan juga tak menganggu mana-mana undang-undang taubat bagi negeri ini
4. Rencana “masalah zakat fitrah dan fitrah kanak-kanak yang belum baligh” ini saya tulis dengan sebenar-benarnya (demi Allah) Tuhan yang menjadikan alam bukan tujuan hendak mengasuh atau menyemaikan perasaan huru hara ke dalam dada anak-anak negeri Kelantan yang dikasihi, supaya mereka menahan bayaran zakat dan zakat fitrah kepada (majlis agama Islam dan istiadat Melayu Kelantan) bahkan kerap kali saya telah memberitahu dan menyuruh kaum keluarga sayadan orang ramai, menjelaskan bayaran fitrah dan zakat yang dikehendaki oleh majlis agama Islam itu selama-lamanya.
5. Rencana “masalah zakat fitrah dan fitrah kanak-kanak yang belum baligh” ini apakala telah selesai tatapan tuan-tuan pembaca yang berbahagia, dengan faham segala kaedah-kaedah yang diisi di dalamnya maka silalah simpangkan empat peringatan yang lain-lain pula:
- Pertama: Jika didapati huraian-huraian di dalam risalah ini memuaskan hati tuan-tuan dan sebenar dengan kehendak hukum syarak, maka itulah tujuan yang kita sekalian bercita-cita selama-lamanya.
- Kedua: Jika didapati masalah fitrah dan fitrah kanak-kanak yang belum baligh ini, suatu masalah yang bersalahan ulama-ulama (khalifah), maka pilihlah untuk amalan tuan; salah suatu pula yang lebih ringan dan lebih telus ikhlas hati tuan dengan Allah Ta‘ālā.
- Ketiga: Jika didapati huraian-huraian. Saya di dalam riasalah ini, tak faham kerana kurang jelas bahasa Melayunya, maka silalah bertanya kepada pengarang sendiri
- Keempat: Jika didapati taujih (pendirian) saya pada masalah fitrah kanak-kanak yang belum baligh ini, nyata salah pada hukum syarak, atau salah *instibāt* daripada

nas-nas ulama-ulama, maka jawapan saya yang keempat ini, ialah jawapan penghulu kita Sayyidina Muhammad (SAW) kepada kaum keluarganya yang takbur, iaitu Abū Jahal dan Abū Lahab (seperti yang tersebut di dalam Quran) maksudnya: “Katakanlah! wahai Muhammad bawakanlah kepada kami sebuah kitab yang lebih petunjuk daripadanya (Quran) supaya boleh kami ikut akan dia”.

Sekian pendirian tuan pengarang risalah tersebut. Bacaannya yang disajikan di dalam risalahnya ini terbahagi kepada enam bab, yang pertama: Dari hal hukum zakat fitrah-kedua: Dari hal nasab yang wajib dikeluarkan fitrah. ketiga: Dari hal orang-orang yang wajib mengeluarkan fitrah. Keempat: Dari hal iktilaf mazhab-mazhab berkenaan dengan zakat fitrah dan zakat ‘asyr pada harta kanak-kanak yang kecil yang belum baligh. Kelima: dari hal hadis-hadis yang ada tersebut di dalamnya wajib fitah atas kanak-kanak yang belum baligh. Keenam:Dari hal keputusan hukum atas ikhtilaf sahabat-sahabat dan imam-imam pada masalah fitrah kanak-kanak yang belum baligh.

Kita puji tuan ini membahas masalah ini dengan begitu lanjut apalagi dipandang kepada alasannya daripada nas Quran, hadis nabi dan kitab-kitab ulama Islam yang muktabar tetapi. Sayang al-Adib Nik Muhammad Solah pengarang risalah itu mempunyai faham “*Faraid fī bābah*” (ganjil) dan melingkahi jumhur ulama Islam pada memahamkan kandungan kitab Allah dan sunnah Rasulnya (SAW). Alasan kita demikian ini:

Yang pertama: Hadis Ibn ‘Umar yang menegaskan bahawa kanak-kanak wajib dikeluarkan zakat fitrahnya telah ditolak oleh tuan pengarang risalah itu kerana hadis tersebut, katanya. Tidak tersebut di dalam kitab “*al-Muwatta*” (Kitab hadis kumpulan Imam Mālik) walaupun ada tersebut di dalam kitab-kitab hadis: Bukhārī Muslim, Abū Dāwud, Nasā’ī dan lain-lainnya. “Kerana, katanya, kitab *Muwatta*’ itu ialah awal-awal kitab hadis yang zahir diatas muka bumi ini dan

ialah sehabis-habis sahih hadis Rasulullah (SAW) kemudian daripada al-Quran al-'Azim mengikut perkataan Imam Shafi'i rahimah Allah Ta'ālā sendiri."

Bagi menjawabnya: Perkataan Imam Shafi'i ḫaḍīr Allāh 'anh memang betul kerana pada zamannya kitab hadis Bukhārī, Muslim dan lain-lain "Kitab al-Sittah" belum wujud, kerana penyusun kitab-kitab itu belum lahir ke dunia. Tatkala Imam Shafi'i wafat, Imam Bukhārī baharu berusia kira-kira 9 tahun.

Dengan tidak merendahkan martabat kitab "Muwatta'" Imam Mālik maka sesungguhnya kitab Bukhari-lah yang dipandang utama di antara semua kitab-kitab hadis. Ini ialah pandangan ulama Islam yang terbanyak.

Yang kedua: Hadis Ibn 'Umar ini ditolaknya dengan alasan tidak cukup syarat sebagai suatu hadis sahih yang boleh dipegang dan syarat yang dipilihnya itu ialah menurut perkataan Imam 'Alamah Shāh Walīyullāh al-Dahlawī (lihat risalahnya muka 28)

Pada menjawabnya: hadis Ibn 'Umar ini telah dihuraikan oleh 'Alamah al-Shawkānī di dalam "Nīl al-Awṭār" juzu' 4, muka 154 dengan tidak mencacatnya bahkan berkenaan lafaz "al-Ṣaghīr" yang menjadi dalil bahawa kanak-kanak wajib dikeluarkan zakat fitrah telah dijelaskan dengan berkata:

"Wajibu fitrat al-ṣaghīr fī malahu wa al-mukhāṭib bi akhirā jihā waliyat an kāna li al-ṣaghīr māla, walā wajibtu 'alā min talzimah nafqatuh, wal alā hadhā dhahab al-jamhūr."

Ertinya: "Wajibnya zakat fitrah kanak-kanak ialah pada hartanya yang diperintahkan mengeluarkannya ialah walinya jika kanak-kanak itu mempunyai harta, jika tidak maka wajiblah mengeluarkannya diatas orang yang menanggung nafkahnya, inilah pegangan ulama ramai."

Kemudian al-Shawkānī menurunkan suatu pula yang lain iaitu pula Muhammad Bin al-Ḥasan (Ḥanafī)" baharu zakat fitrah kanak-kanak itu wajib di atas bapanya sahaja, jika tidak ada bapanya, maka tidak diwajibkan zakat fitrah di atasnya."

Setelah itu Shawkānī menurunkan pula Sa'īd Ibn al-Musīb, Hasan al-Baṣrī yang mengatakan zakat fitrah itu tidak wajib melainkan atas orang yang berpuasa kerana

Mereka berpandu kepada hadisnya Ibn 'Abbās:

"Ṣadaqat al-fitr ṫahrat lilṣā'im"

Ertinya: "Zakat fitrah itu difardhukan kerana membersihkan orang yang puasa".

Alasan golongan yang mengatakan tidak wajib zakat fitrah di atas kanak-kanak seperti yang tersebut telah dijawa oleh al-'Alamah al-Shawkānī - seperti yang disalinnya daripada Fataḥ al-Bārī – "Bahawa sebutan "membersihkan" itu ialah kerana menurut ghalibnya, sebagaimana zakat fitrah itu diwajibkan juga di atas orang-orang yang tidak berdosa seperti orang soleh yang telah tahqiq solehnya atau orang yang telah memeluk Islam sebelum jatuh matahari (akhir bulan Ramadhan) dengan satu lafadz."

Demikian huraiān Imam al-Maḥqiq al-Shawkānī yang terkenal sangat kuat tapisannya tentang hadis-hadis yang sahih dan yang lemah berkenaan masalah zakat fitrah kanak-kanak.

Dan demikian juga huraiān al-'Alamah al-'Asqalānī di dalam "Fatuḥ al-Bārī" tatkala menghuraikan lafadz "al-Ṣaghīr" (kanak-kanak) yang tersebut di dalam hadis ini yang menegaskan kanak-kanak diwajibkan atasnya zakat fitrah.

Demikian juga pendirian Imam Shafi'i, Ḥanafī, Mālikī dan Ḥanbalī sebagaimana yang tersebut di dalam kitab-kitab mazhab masing-masing, dan juga sebagaimana yang diterangkan oleh Ibn Rushd di dalam kitabnya "Bidāyatul Mujtahid" juzu' yang pertama muka 256.

\*\*\*

### Pelajaran Agama di sekolah Melayu

A.T.F Sungai Pinang Tumpat Kelantan, bertanya:

Apakah sebabnya pelajaran agama Islam di sekolah Melayu sekarang telah dicuaikan ?

Jawab: Salahnya terpulang kepada ibu bapa murid-murid yang tidak mahu ambil berat tentang susun pelajaran yang disediakan di sekolah-sekolah Melayu hari ini. Di Singapura misalnya, bukan sahaja pelajaran agama telah tidak mendapat